

葛無懷小集

春懷

向晚一鳩鳴道人春睡足無處寫幽懷
巡簷數脩竹

絕句

夜雨漲波高二尺失却搥衣平正石
天明水落石依然
老夫一夜空相憶

看山

本田夫作比丘也知騎馬勝騎牛
如今馬上看山色

不似騎牛得自由

寄楊誠齋

參禪學詩無兩法
死蛇解弄活鱗鱗
氣正心空眼自高
吹毛不動全生殺
生機熟語却不排
近代獨有楊誠齋
才名萬古付公論
風月四時輸好懷
知公別具頂門竅
參得徹兮吟得到
趙州禪在口皮邊
淵明詩寫胸中妙
用則致君堯舜前
舍時便灌廬陵園
六十四卦只兩畫
三百五篇惟一言
我與誠齋略相識
亦不知他好官職
但知拚得忘飢
七十年
蒼梁如鐵心
如石不曾屈膝不

皺眉不把文章做出詩
玉川後身却不恠樂天
再世尤能奇
隔千里兮共明月
何似寒灰相對撥
公亦何須要我知
我只欠公頭上髮

醉書酒肆

碧床酒盞香拍浮
吳姬粉醉不識愁
黃金手揮博歌舞
夜半春回楊柳樓

竺澗梅

龍脊橋邊鶴膝幽
一枝斜亞水橫流
自從識破胡笳曲
吹徹黃昏不解愁

謝文思徐敬伯見訪

半山徐敬伯薄官在中都柳舍偷閑到村醪就近沽易
添詩債負難得醉工夫却羨漁樵叟雖負一事無

即事

春漲侵高岸春雲亂山倒遶楊柳活斜倚桔槔閑世
味老方淡花時晴最慳東風嗔嬾動故故撼柴關

重訪白石

長安唯白石與我最相關每到難逢面翻思懶下山欲
歸愁路遠小住待君還盡日看幽桂無人似我閑

達摩渡蘆像

一言已出駟難追賴得君王放過伊揚子江心杭折葉
浪頭何似問頭危

收白扁豆因得二首

齒髮中年態丘園素隱心因栽白扁豆欲當紫團參
筐收繁美脆非失茂陰蕭蕭簷外竹抱蔓替余吟
古香無伴侶一榻共雲分澗水塘頭過樵歌枕上聞
生聊自適此意與誰論落葉如相委時敲月下門

仲春初二絕

落梅如雪雨如麻，最怕春寒是杏花。
病後不能涓滴飲，可憐芳信到貧家。
初交二月草蒙茸，鄰里紛紛去折蓬。
柳下閉門非嬾出，苦無筋力趁兒童。

湖上夜歸

陌上紅塵歇，湖中翠靄生。
定鐘山寺迥，新月夜船清。
蛙亂鳴方急，鷓閑睡不驚。
兒童知我到，認得打門聲。

聞鳩

蟄動猶寒在，鳩鳴恰睡餘。
素傳鷹羽化，多占鵲巢居。
報

我晴何用憐，渠拙自如年。
年偏感處風急，杏花初
迎鶯

只尺春三月，尋常百姓家。
為迎新鶯入，不下舊簾遮。
翅濕沾微雨，泥香帶落花。
巢成鷓長大，相伴過年華。

玩蝶

粉翅來何許，春風卒未休。
衆芳皆舊識，微雨是新愁。
聞舞圍牆角，貪香綴蕊頭。
與花俱不語，相可自風流。

聞杜鵑

望帝如何苦，催歸不自禁。
竄身依樹密，啼血染花深。
細

雨離人淚遊絲蕩子心青山明月下老耳最知音

湖上觀柳偶記龍泉先生句春柳一絲之句感而有述

新槎無葉又無枝得似勾春柳一絲不是畫船栖泊處
白鷗飛下立多時

嘗青梅

疎影橫斜處匆匆入夏看綠陰遮得暗青子結來酸因
病全疎酒如癡猶凭闌楊花無藉在風急正漫漫

開井

小圃新穿土中藏一丈空山腰泉脉透井口樹陰蒙洗
藥先資用煎茶已見功甘涼羞自薦汲許四隣同

龍井

龍護深潭草木昏新碑元祐典刑存蜀仙已去吳僧少
嶺上松篁亦新苑

江山

連天芳草雨漫漫贏得鷗邊野水寬花欲盡時風撲起
柳綿無力護春寒

望越懷親

高帝陵邊我故廬
白雲慘淡帶蒼梧
歸心政與江流動
更著青山隔岸呼

寄輔漢鄉

憶殺平生輔漢鄉
武夷山裏話寒更
不知新歲還家未
白髮衝冠有幾莖

訪端叔提幹

月趁潮頭上山隨
拖尾行大江中夜滿
獲槽半空鳴鴈
冷來無幾鷓清睡不成
平生師友地此夕最關情

山中題古墓

冢荒無樹亦無碑
土面磚痕似灼龜
壞道尚存翁仲守
傳家知是子孫誰
又成東海終難料
欲錮南山最可悲
要寄此情浮世去
臨流說與落花知

題謝耕道一犁春雨圖

耿耿思田舍
悠悠倚釣竿
一犁歌短闌
十口飯長安
老覺驅馳倦
生知稼穡難
畫圖詩卷在
留與後人看

即事

暮年居柳下
終日閉柴門
壁為題詩暗
池因洗硯
渾閑知真富
貴醉到古乾坤
回首長安道
無言只斷魂

偶成

始參龍象種終現馬牛身再整衝冠髻難忘漉酒中
敬花天上女撥草道中人寄語林和靖非翁不卜鄰

竹

此君別後稍添丁留得清風鎮戶庭老鬢不禁霜點綴
舊鄰多似樹凋零一竿帶雪寒垂釣數畝連苔畫掩扃
此話有誰堪委似幾回無語向青青

蓮居詠枇杷

早誦相如賦知渠舊姓廬花香冰裏見風味藥中須細

雨同梅熟清聲混樂呼山禽嗔老子拍竹護金珠

元夕

天街夜鼓徹雲霄一望星河影動搖佳節無如元夕感
老懷不似少年豪紅塵巷陌青絲鞵明月樓臺紫玉簫
誰料南坡招野叟詩肩相對兩峯高

簡道安

相將除夜南風起鴈已散聲向北飛驟暖定知為雪骨
瘦年終不似冬肥日來病可方開酒節下春回稍減衣
正好伴公湖上去孤山觀裏看梅歸

澗泉招飲次日乃生朝

平生南澗古遺民初度招呼我輩人每聽謔談須絕倒
極知老氣政輪囷盃盤滿坐添燈火兒女成行勸主賓
但願吾儕似梅柳年年相見一回新

平居遣興

隔籬人語自喧朝緊閉苔扉不許敲談麈帶塵懸屋角
牽牛冰露上林梢投閑得計心常足擬古成編手自抄
風雨欲來偏感處蟻先移穴鵲移巢

桃花

洞裏桃花自古初人間塵事幾乘除重來漁父難相覓
前度劉郎未忘疎画幟迎逢春女渡采符供奉歲朝書
嫣然似共幽篁語占盡風光奈得渠

偶題

綠樹何稠疊清風稍羨餘枕縈雲片片簾透雨疎疎修
篔通泉壑殘碑出野鉏丘陵知幾變耕稼雜陶漁

西湖泛舟入靈隱山

晴嵐漠漠水溶溶落葉遮船翠蓋重秋色盡為漁者占
山光多向道人濃雲連舍抱前村樹澗繞飛來小朵峰

送罷夕陽迎素月樓臺高下自鳴鐘

梅花

寄遠含芳別隴頭胡沙漠漠去無休誰招青塚千年魄
散作黃昏萬斛愁盡角霜清腸屢斷花光墨淡影空留
年年最憶前村夜一段孤明雪亦羞

幽居

遠懷日與靜相宜山色窺簾澗撼扉野草自花聊獻笑
重雲不雨謾垂衣人間事業難爭長睡裏工夫獨造微
却恠蒙莊猶寐語夢為胡蝶未忘機

秋日湖西閑泛

雨洗千峰曉波涵萬頃秋菱花開古鏡蓮葉度輕舟思
遠人誰識身閑世不收望中時得句倚櫂雜吳謳

郊園避暑

有暑猶當避無爰可得忘竹疎身共瘦湖近意先涼靜
勝寧須弈幽酣不待觴還同殘夢樂欠背負朝陽

小峰行樂却望北山

霜高群木落湖上數峰秋野笛歸牛徑烟簾宿鷺洲望
中多隱約佳處小遲留百歲無虛日能堪幾度游

蝶

黛拂雙眉粉襯毫翅烘晴日伴相遭戲勾褲子從花遠
恐惹遊絲莫聞高栩栩倏來仍易散深深交舞為誰勞
吳王花草滕王筆千載風流敵楚騷

杏花

陌上春泥苦未乾絳唇漸吐不禁寒海棠向晚教誰伴
山帽衝風每自着較好最憐清曉賣味甘長記綠陰團
年年過雨照脂落時序關心有幾般

林間石

摩挲只作釣磯看相伴秦翁且住山霜洗舊稜人共瘦
蘚侵孤韻鶴同閑因思樵牧分年處已過唐虞揖遜間
風月滿林時憇寂三生幽事夢中還

小隱自題

水拍荒籬外山攢落照邊鴉鴉來攢去鴨鴨伴鷗眠思
淡秋雲薄情高隴月圓武陵知避世初不為求仙

夏日池上

微波漾漾雨濛濛岸脚烟莎間水渌照影已無雙鬢綠
關心猶有一絲風鴛鴦對浴紅衣撲菡萏相親翠蓋籠

醉舞夢吟皆勝處箇中非異亦非同

孤山後寫望

凭高每欲普人非空有群峰礙落暉大雅風流誰舉似
長安秋草又衰微寒花負約開猶爛幽鳥忘機趁不飛
未徃半生堪記處西村烟火夜船歸

小舟

萬頃波中獨釣身短艚低屋舊絲綸自憐清夜歌明月
誰共滄洲采白蘋

梅花

桃李麗珠合負荆歲寒標格許誰并花中有道須稱最
天下無香可聞清倚竹向人如少訴臨流窺影更多情
何當喚取湘纍起伴我空山茹落英

孤山後舟中寫望

水接遙空分外寬孤山月出靜中看疑從弱水移圓嶠
似共姮娥住廣寒秋雨秋風初過後荷花荷葉半凋殘
西村數點歸鴉溼老子新題墨未乾

湖畫上人石湖春望

蕩蕩春風草木香茫茫澤國水雲長鶯來占柳為歌院

蝶去尋花作醉鄉，閑與物情聊品。老於文、嬾尋行
望中別有閑情處，幾度朝陽又夕陽。

湖村晚興

殘霞伴孤鷺，遠晚雜斜暉。秋向詩中出，人從畫裏歸。柳
塘殘棹急，茆舍一燈微。小艇穿籬入，蒲葦正堆扉。

雪後

雪中多日靜，湖上少人遊。禿樹花為市，新槎鷗當舟。一
杯殘臘酒，萬古夕陽愁。富貴非吾願，蒼天雲正浮。
冷蘂通幽信，孤山欠幾遭。孟因寒更滿，句到淡方高。雪

滴晴簷雨，松翻夜壑，濤布衾。雖似鏡，猶念早起朝

臘雪

片片嘉平瑞，無聲有耿光。來雖成頃刻，釀亦費商量。天
闔花無賴，風休絮不狂。孤山林處士，魂在隴頭香。

和子舒冷泉夜坐

亭空山盡，人人靜。夜初分，喬木陰遮。月清泉影，浸雲不
題波上葉，只採澗中芹。澗水令人憶，何當入郡聞。

宿裴庵

一徑松杉迥，成陰見日稀。山晴僧盡出，風暖燕交飛。結

子花拋樹闌人犬護扉開看山月上清坐更添衣

答趙紫芝

九月離東嘉長安了歲華未登楊子渡先訪葛翁家天
作今朝雪燈開昨夜花一杯能強飲不必問丹砂

簡趙紫芝

紫芝雖漫仕五字已專城清坐有仙骨苦吟無宦情囊
因詩句重分與酒杯輕所好煎茶外燒香過一生

清明前四日泛湖

統岸堆青嶂遊船滿綠波樓臺臨水近楊柳占春多老

去誰同調尊前且放歌韶華能幾日隨棹已新荷

送薛子舒船官

憶君江上去船重載書多學乃從吾好閑應喜客過薰
風新綠樹明月舊滄波自古閑情處相思入詠歌

訪紫芝回與子舒集

君參唐句法親得浪仙衣薄宦因吟苦高風與世違春
寒留夜飲月黑借燈歸興隱知何日空山老蕨薇

即事用天竺韻

寒食少逢天氣佳十朝九日雨如麻新巢惟有燕生子

小卷已無人賣花

夏日

曉荷承墜露晚岫嶂斜陽樹下地常陰水邊風景涼
蟬移鷺鵲近鷺起得魚忙獨坐觀群動閑消夏日長

雜詩

下竺山前打一遭丁寧門子看溪橋恐鷺繞磧梅花落
莫遣行人笑語高

雨中

梅雨朝仍暮蓮塘夏似秋水高侵樹脚屋漏滴人頭歎

畫厨烟出占晴礎汗收群山思會面扶病一登樓

元夕

元宵有月便無愁已是新年第一籌說與素娥從此去
只須依樣做中秋

送薛子舒

南渡令何似中流欲濟船雖憑人擊楫要若水行川竹
木如山積桑田與海連吳宮猶可問白鳥暮推烟
海邑青龍鎮船官野鶴身誰知貴公子却是苦吟人二
陸多遺跡三高雋近隣新篇因弔古時寄葛天民

次紫芝韻

欽羨私居好樓深夏必涼小窓通遠岫古木蔽斜陽露
檻安花斛塵編滿竹床如君清到骨只合靜焚香

小亭

小亭終日對幽叢兀坐無言似定中蒼蘚靜連湘竹紫
綠陰深映蜀葵紅猶未戲捉穿花蝶雀下偷銜卷葉虫
斜照尚多高柳少明年更欲種梧桐

上巳呈嚴吏

時俗常談已新霜雨寒翻著紫衣裳花枝照眼堂堂去

茗椀關心故故香楊柳梢傳鶯割據茆茨敢望燕商量
舊遊莫誦蘭亭語自覺中年易感傷

荷葉浦中

急雨捎荷分外奇珠璣狼籍錦紛披下塘六月關心處
西塞扁舟入手時却傍青蘆深處宿還思白石去年詩
平生浩蕩煙波趣月淡風微只自知

贈眇目道人說相

道人只具一隻眼靚面全提格外機塵裏神仙誰做得
歸來試舉問麻衣

戊辰夏五過抱朴岩

北窓隱隱透南薰老子前身是此君
冷入魚腮池面雨靜連禽語樹頭雲
苔因覓句行來破石為觀空坐得溫
時事自多無耳聽長安雖近不曾聞

元夕西陵橋觀月

年頭半月雪漫漫養就姮娥玉一團
老子今宵奇絕處西陵橋上獨凭闌

雨中郊外

暖氣先回宿草根青青行可藉芳尊
未須著意催花柳

且為乾坤補燒痕

正月二日

小卷青陰獨掩扉峭寒著盡過冬衣
老來情緒無多子禁得梅花似雪飛

正月二十七雨中過蘇堤

一堤楊柳占春風柳外群山細雨中
人若未晴渾不到只宜老眼看空濛

清明日訪白石不值

花簷懸燈柳掠簷老懷那得似
餽甜畫船已載先生去

燕子無人自入簾

送劉僧善行

西望群山碧入吳故人一望片雲俱東風不新村村柳
展盡陽關送客圖

湖堤晚步

照影憐寒水颺情奈夕陽雪煙天久冷年近日添長好
句誰相寄浮生各自忙有身聊現放亡事可思量

懷天竺磻梅

根在岩邊結枝從水際橫此花殊迥道凡木久脩行密

雪籠幽片疎篁倚瘦篔那時香不淺憶我話無生

柳下即事

老柳中間野岸濱水清常照樹邊身白鷗黃鳥相忘久
來往如今不避人

睡少

睡少秋難曉吟多食愈貧南柯無近關差盡夢中人

湖上新秋

十里荷風蓋盡傾城中憶殺水邊清催詩未用西湖雨
且送新涼入帝城

六月一日同姜白石泛湖

六月西湖帶雨山小舟終日傍鷗閒風煙如許閑情甚
賓主相推下語難幾點送君歸大雅一涼今夜滿長安
江湖遠思知多少歸去風前各倚闌

正月十二日夜姚江

新岸春風峭空江夜雨清蕭疎篷上點彷彿葉間聲
今古渡眸冷乾坤一棹輕鬢從湖海白誰識謝郎情


雨中獨酌

平生寡合誰知識幾曾自飲一杯酒不因風月與湖山

更為松篁與花柳今夕何夕風雨未知僂渴肺生秋埃
麴生三緘忽自薦請為風雨聊一開老夫呼前呼未了
死生脫帽傾懷抱風雨橫斜入坐中賓主淋漓俱醉倒
須臾風止雨亦休主人送客凝雙眸葛天無懷不可狀
但覺兩耳風颼颼匆匆便是中秋節更與麴生潛地說
此夜寧容著雜賓一尊只辦澆明月

水仙

玉潤金寒窈窕身翩翩翠袖挽青春水晶宮裏成仙女
香醉山中得道人朔雪幾回埋不死南洲一出淨無塵



國家圖書館, NATIONAL CENTRAL LIBRARY, TAIWAN, R.O.C.

朴翁老矣誰同調相對無言意轉親